



UNIVERSITÄTS-
BIBLIOTHEK
PADERBORN

Universitätsbibliothek Paderborn

Römischer Catechismus

Ynßprugk, 1599

VD16 K 2062

Professio Fidei Catholiæ. Das ist/ Deß Christlichen Catholischen Glaubens
Aydsbekanntnuß/ auß dem H. allgemeinen Tridentischen Concilio
gezogen. Durch Bäpstliche H. Pivm IV. publirt, vnd ...

urn:nbn:de:hbz:466:1-39499

Das ist/

Des Christlichen Catholi-
schen Glaubens Ahdsbekanntnuß/
aus dem H. allgemainen Tridentischen
Concilio gezogen.

Durch Päpstliche H. P I V M IV.
publicirt, vnd zubekennen gebotten/
Anno 1564. den 13. Nouemb.

Hebr. 11.
Ephel. 2.

1. Pet. 3.

Conci. Ni-
can. I.
Constanti-
nopol.
Trid. Sess. 3.

Ich N. glaub mit steiffen
vnd vesten Glauben/ vnd
bekene⁶ öffentlich alle vnd
jede Stuck / so in dem Christlichen
Glauben den die heylige Römische
Kirch^c auff dise weisz gebrauchet/ ver-
fasset sein. Nemlich :

I.

Ich glaub in ainen Gott / Vatter
allmechtigen / Schöpffer Himmels
vnd der Erden/ aller sichtbaren vnd
vnsichtbaren dingen / vnd in ainen
Herren

Herrn I E S U M Christum / den ainge-
 bornen Sun Gottes / auß dem Vatter
 geboren von ewigkait / Gott von
 Gott / Licht von Licht / ein wahrer
 Gott von wahren Gott / geboren vnd
 nit erschaffen / gleicher Substanz vn̄
 Wesens mit dem Vatter / durch ihm
 seind alle ding erschaffen. Der vmb
 vns Menschen vnd vnsers hails wil-
 len / von den Himlen gestigen ist / vnd
 hat durch den heilige Geist auß Ma-
 ria der Junckfrawen Fleisch an sich
 genommen / vnd ist Mensch worden.
 Er ist auch für vns vnder Pontio Pi-
 lato gecreuzigt worden / hat gelidten /
 vnd ist begraben / vnd am dritten tag /
 laut der heiligen Schrifft / widerumb
 auffstanden. Er ist gen Himmel auf-
 gefaren / sitzet zur Rechten Gottes
 des Vatters / vnd wirdt widerumb
 kommen mit herligkait zu richten die
 Lebendigen

Lebendigen vnnnd die Todten / dessen Reich kein ende wirdt sein. Ich glaub auch in den heyligen Geist / ein Herrn vnnnd Lebendigmacher / der von dem Vatter vnnnd Sohn außgehet / der sambt dem Vatter vnd Sun zugleich wirdt angebetet vnd geehret / der geredt hat durch die Propheten. Ich glaub auch ein ainliche / heylige / Catholische vnnnd Apostolische Kirchen. Ich bekenne ainen Tauff zu vergebung der sündē / vnd erwarte die auß- erstehung der Todten / vnd ein Leben der konfftigen zeit / Amen.

II.

Alle Apostolische / Kirchliche Satzungen / ^o sambt allen andern Ordnungen vnd gebreuchen der Kirchen / halte vnd nimme ich vestiglich an.

Deut. 32. Hierem. 6. Prouer. 1. 6. & 22. Eccl. 8. Matth. 18. 23. Luc. 10. Ioan. 20. Rom. 13. 1. Cör. 11. & 14. 2. Theß. 2. & 3. Hebr. 13. Cōcil. Nic. II. Act. 7. Synod. VIII. Constantinop. can 1. Trid. Sels. 4.

III.

e Cōcilium
Trid. Sels. 4.

Die heilige Schrifft^e verstehe ich / vnd

vnd lasse sie zue/in vnd nach dem verstandt / welchen haltet vnd bißhero gehalten hat die Kirch vnser heylige Mueter / der da zuegehört von dem rechten verstandt vnd auslegung der H. Schrift zu vrthailen vnd zu richten: vnd dieselbe will ich auch nimmer mehr anderst / als nach dem einhelligen consens der H. Vätter annehmen vnd auflegen.

f Deut. 17.
Malach. 2.
Matt. 16. 28.
Luc. 22.
Ioan. 14. 18.
Rom. 16.
1. Tim. 3. 6.
Gal. 1.
Hebr. 13.

IV.

Ich glaub vnd bekenne auch öffentlich / daß warhafftig vnd eigentlich sieben Sacrament^s deß newen Gesessatz / von Christo Jesu vnserm Herrn eingesetzt / vnd zur seligkeit Menschlichen Geschlechts (wiewol mit allen Menschen alle zugleich) nothwendig sein / als nemblich: der Tauff / die Firmung / das Sacrament des Altars / die Bueß / letzte Selung / die Priersterreich /

g Cœcilium
Flor. in doctrin. de Sacram. Constantiense, sess. 15. Trid. sess. 7. in principio per. 13. Canones.

weyh/ vnd die Ee/ Vnd dasz dise Sa-
 erament dem Menschen genad mit-
 thailē/ auch dasz auß denen die Tauff/
 Firmung vñ Priesterliche Weyhung/
 ohne Gottflesternung vñd schwäre
 sünd nit mügen widerholet werden.
 Ich nimme auch an vnd lasse zue alle
 gewöhnliche vnd bewärthe^b gebreuch
 der Catholischen Kirchen / die sie bey
 öffentlicher vñ herlicher darraichung
 diser hochermelten heyligen Sacra-
 menten gebraucht.

^h Trident.
 Sess. 7. cá. 13.

V.

Desz gleichen glaube ich vnd nimē
 an / alles sametlich vñd sonderlich/
 was von der Erbsündⁱ vñd Recht-
 fertigung^t desz Sünders im heiligen
 allgemainen Concilio zu Trient er-
 klärt vnd beschlossen worden ist.

ⁱ Trid. sess. 5.
^t Sess. 6.

VI.

Ich bekenne auch zegleich / dasz in
 dem hochheyligen Ambt der Mess^l /
 Gott

^l Trident.
 sess. 22.

Gott dem Herrn ein wahres / eigent-
liches vnd persönliches Opfer / für
die Lebendigen vnd Todten auffge-
opffert werde. Das auch im allerheis-
ligsten Sacramēt^m des Altars war^m Scff. 19.
hafftig / leiblich vnd wesentlich sey Leib
vnd Blut / mit Seel vñ Gottheit vn-
sers Herrn Jesu Christi / vnd daß die
ganze Substantz des Brots inn den
Leib / vnd die Substantz des Weins
in daß Blut Christi verwandelt wer-
de / Welche verwandlung die Catho-
lische Kirch Transsubstantiationem,
das ist / ein verwandlung einer Sub-
stantz in die ander nennet.

VII.

Ich glaub vnd bekenne auch daß
vnder ainerⁿ gestalt allain / der gāzeⁿ Trident.
scff. 21.
vñ zerthailte Christus / vnd daß wah-
re Sacramēt seines Fronleichnamis
genossen vnd empfangen werde.

ff ij Ich

VIII.

o Pſal. 37. 67.
Eſaiæ 4. 9.
Michæ 7.
Zach. 9. Ma.
Iac. 3. Tob. 4.
2. Macha. 12.
Matth. 5. 12.

Ich glaub veſtiglich das ein Feg-
ſewz. ſey / vnd das den Seelen ſo da-
rinn verhaſſt / durch daß fürbitt der
Glaubigen geholffen werde.

Luc. 12. 16. 23. Act. 2. 1. Cor. 3 & 15. Philip. 2. Conc. Carthag. III. c. 29.
Bracc. I. c. 34. Lateran. ſub Innoc. III. cap. 66. Florent. ſeſſ. vlt. Trident.
ſeſſ. 6. can. 30. ſeſſ. 22. cap. 2. can. 3. ſeſſ. 25.

IX.

p Trident.
ſeſſ. 25.

Item / daß man auch die lieben
Heyligen^p / ſo mit Chriſto regieren/
ehren vnd anrueffen ſoll / vnd daß ſie
auch Gott für vns bitten: Darzue
auch / das ire Heylthumb in ehren ge-
halten ſollen werden.

X.

a Seſſ. eadē.

Ich bekenne beſtendiglich daß man
die Bildnuſſen^a Chriſti / der Mueter
Gottes allzeit junckfrawen / vnd an-
derer lieben Heiligen / haben vnd be-
halten / auch denſelbigen gebürende
Ehr vnd Reuerenz erzaigen ſoll.

XI.

Ich

Ich glaub auch für gewiß / das
Christ' den gwalt des Ablass' in der
Kirchen gelassen hab / vnd das dessen
gebrauch dem Christlichem volck hoch
nützlich vnd hailfam sey.

r Sess. ead.
decr. de in-
dulgent.

XII.

Die heilige Catholische vnd Apo-
stolische Römische Kirch erkenne ich
als ein Mueter' vnd Meisterin aller
anderer Kirchen.

: Roman. 1.
Anacl. Pap.
epist. 1. & 3.
Irenæus l. 3.

cont. hæres. c. 3. Tertull. de præscript. c. 36. Cypr. ep. 45. 46. 55. Marcell.
Pap. ep. 1. Hieron. ad Damal. 57. 58. Ambr. l. 3. de Sac. c. 1. August. epist.
162. 165. Optat. Mileu. l. 2. cont. Donat. Theodoret. l. 2. hist. Eccl. c. 4. Leo
Mag. ep. 84. 89. Conc. Alexand. sub Athanasio. Calcedon. act. 3. Carthag.
apud Aug. ep. 90. Mileuit apud eund. ep. 92. Trid. Sess. 7. can. 3. de baptif.
Sess. 14. cap. 3. de extre. Vnct. Sess. 22. c. 8. de sacrif. Missæ. Sess. 25. sub fin.

XIII.

Dem Römischen Bischof / als des
heyligen Petri Fürsten der Apostel
Nachkömbling / vnnnd Christi Jesu
Statthalter / gelob vnnnd schwöre ich
wahren Gehorsam'.

(Matth. 16.
18. & 23.
Ioan. 21.
1. Cor. 11.
Hebr. 13.)

XIV.

Dergleichen alle andere stueck / so
von den heiligen Canonen / vnd alls
ff iij ges

e Deut. 13.
 Matth. 7. 24.
 Roman. 6.
 2. Tim. 2. & 3.
 Tit. 3.
 2. Theß. 3.
 1. Ioã. 2. & 4.
 Apoc. 2.

gemainen Concilien/ fürnemlich aber
 von dem heiligen Trientischen Con-
 cilio verordnet/ auffgesetzt/ vnd erklärt
 seind/ dieselbigen bekenne vnd nime
 ich vngeweyßet an: Hergegen aber
 alle Irthumben/ Lehr/ Stuck vnd
 Kezeren / welche von der Kirchen
 verdamet/ verworffen/ vnd verflucht
 seind/ dieselben verdamme/ verwürffe/
 vnd verfluche ich gleichß fals.

XV.

Marc. 16.
 Ioan. 3.
 Hebr. 11.

Diesen wahren Catholischen glaub-
 ben / aufferhalb ° welches niemandt
 selig kan werden/ den ich da in gegen-
 wertigkeit/ freywillig offenlich bekenn
 vnd warhafftig halte/ denselbigen wil
 ich auch (mit Gottes hilff) bis an
 mein letztes endt/ gantz/ vnuerlezt vñ
 bestendiglich halten vnd bekennen/
 Ich wil auch/ souil mir müglich/ allen
 Fleiß anwenden / damit diser Glaub
 von

von meinen Vnderthanen/ oder von
denen welche meiner Sorg beuolhen
seind/ gehalten/ gelehrt/ vnd geprediz
get werde. Das verheisse/ gelobe vnd
schwöre Ich N. also wahr helff mir
Gott vnd die heiligen Gots
tes Euangelia.



ff iii

Regis